
Sectio prima sive theoretica.

Quid est praeclarius, quam honoribus et reipublicae muneribus perfunctum — posse suo iure dicere idem, quod apud *Ennium* dicat ille *Pythius Apollo*, se esse eum, unde sibi, si non populi et reges, at omnes sui cives consilium expetant,

Suarum rerum incerti; quos ego mea ope ex

Incertis certos, compotesque consili

Dimitto, ut ne res temere tractent turbidas.

Cicero de oratore lib. I.

cap. 45. nr. 199.

§. I.

Muneris prorectoralis auspicia solemnia.

Novimus ac experientia subinde edocti sumus varii generis molestias et curas, quae partim sollicitant et premunt, partim sub pectore fixae versant atque coquunt eorum animos, quicumque ad rempublicam aliquam gerendam accedunt et munera, quae sibi exinde sunt mandata, dextre fideliterque administrare, atque, quacumque in re possint, rem sive salutem publicam